

四庫禁燬書叢刊編纂委員會

北京出版社

四庫禁燬書叢刊

集部第六五冊目次

李太僕恬致堂集四十卷(二)

〔明〕李日華撰
明崇禎刻本

一

寧澹齋全集文十二卷留芳錄一卷

附疏稿一卷詩十卷(原缺文卷九)

〔明〕楊守勤撰
明末刻本

二一三

偶記八卷

〔明〕鄭仲夔撰
明刻本

六四九

李太僕恬致堂集四十卷(二)

〔明〕李日華撰

明崇禎刻本

北京大學圖書館藏

李太僕恬致堂集卷之三十一

嘉禾李日華君實甫著

啓

首春請楊使君龐國相酒啓

日者雪消雲暖水活山滋梅初試其淺粧柳尚含
其媚眼鶯喉乍澁蝶翅欲舒古人云一年好景正
在梅柳之間若到清明則芳菲爛熳不可收拾矣
欲知淑景韶陽名流勝攬清歌雅詠樂事宜多郡
公後圃有梅一樹綴玉萬條意將展席移罇盃簪
並帶少曄言嘯之樂用答物候之熙庶執蘭修稷
今猶觀其高風而臨水送歸亦或少延離緒耳歎
須達夜期在詰晨

請仲子復駕部姻翁酒啓

伏以香雨浮杯虔進沃心花露綺雲結蓋冀拔快
臆松風銀鴈擘箋珠龍致語恭維老親翁大人殷
邦柱礎倚斗幾衡因心致孝德潤蒸於本根矢金

抒忠大用妙乎舒卷茲乘奮螢之餘旋赴爲霖之
會藐斯蘿葛竊附希榮瞻注棘槐實深忭舞敬漑
釜以效烹鮮期掃庭而迎帷駟惠然許之幸甚

當湖沈氏聘啓 代家君

伏以月含珠彩遡瀛海以分光雨茁芝苗披嶺雲
而擷秀鍾靈有地作令自天恭維太翁閣下吐鳳
仙腸擘麟巨手侍紫宸之王案香滿芸囊臥綠野
之錦堂花團梓里丹山飛鸞春連瓊樹之暉翠水
后致堂集 卷三十一

爲虬秋接金莖之潤家祥濬發國寶駢羅篤生仲
公親家墨霧彌天學山駕海翬雲琢月未誇前府
琳琅躡電追風夙擅文場騏驥既煩文曜下燭塵
寰應有星娥來生瑤屋側聞令孫女蕙心纔吐絮
韻已諧敦詩禮以約躬華非曳轂儼矜莊以耀首
飾謝明璣誠德慧之罕儔豈凡庸之可配竊念某
櫟林已老殊非上蔓之蘿小兒某雲路方騫亦是
卑棲之羽童孫頑鈍僅足負薪滕系荒京寧堪倚

王不意邀靈永老得就天緣鼎諾忽頒華門胥慶
爰修鮮禮仰答尊慈雖無雙金百璧之隆儀實乃
束帛包茅之至意統祈海度鑒此蕪誠

當湖沈氏納徵併告婚期啓 代家君

伏以綺雲團蓋珍禽影接虹梁鏡月開奩雪毳光
生王杵喜永期之已近瞻星采以非遙敬釋初盟
遂邀永好恭維大師相太翁閣下高華胄緒清峻
家風承梁代累葉珥貂之餘敦漢世萬石數馬之
慎紫宸綸綍榮分帝袞之章綠野湖山養遠仙靈
之窟怡顏盼庭樹鳳結雙巢香夢入叢蘭熊來百
帳維此閑詩之女士久類續史之大家才並兄行
教遵祖訓伏念某蓬茅飯糗願僅足於含飴繫藻
薦馨心每切乎著代邀靈百禩之宗祊翹首十年
之貞字小孫亨父書粗讀鄉較已遊禮將進之成
人人僉謂其宜室氣凌彩筆未親點翠之眉步襲
雕車行試御輪之手聊陳薄篚兼侑蕪函俟天天

灼灼借繁批穠李之陰將肅肅雍雍慶並帶連枝
之會統祈慈鑒共洽懽悰

當湖次侄毛氏婚啓 代家君

恭維老親家大人渾金性度琢王才華折矩旋規
上類步趨而瞻若運斤斲斧詞壇照映以曄然連
城誇聲價鄉國捧爲薦六龍之明珠脫穎露風裁
仕軸推爲先駟馬之拱壁蓋仙源派自西周碩望
隆於東晉公清譽遠季義流長世不乏乎徽猷今
偕攷室集 卷三十一
循踵其芳矚不佞某丘樊陋質蒲柳衰姿足不踰
於園田跡每疏於冠蓋偶因兒侄交遊稍別仁賢
品格締盟講好裕後承祧極思藉祐于德門深慮
見麾於君子今月之初家侄某以次侄孫某納采
之吉來告謂不佞謬長宗祊既宜整襟端策啓聽
於先靈又當削積綴辭授言於儉者伏念某侄與
門下蘭蓀蒞桂氣味久齊於當年松栢萼蘿榮潤
行垂於百葉斷金投漆聯璧綸絲譜牒以之增輝

階庭咸爲色喜俯慙薄篋未足修虔仰達喬楣幸垂涵宥

吳江沈氏聘啓 代家君

伏以雨香雲淡陰成桃李之蹊波暖沙晴春滿芙蓉之渚邀雙星於楚峽共片月於秦樓仰拾金梭俯慙玉杵竊維好逑之慕事關人紀佳耦之錫緣出天來是以蘿葛青葱附虬枝而颺翠兼葭蕭灑倚虹壁以騰暉隔銀漢則烏鵲爲之填橋處璇臺

啓

卷三十一

五

則青鸞爲之排闥百年諧合巧若函環兩姓綢繆堅同投漆不佞某衰遲釣璜之年隱約栖衡之舍爲孫謀室援戚求姻方溯合浦之濤遽逢徑寸旋入藍田之圖乍獲連城自得諾於高門業告虔於祖禰茲先蘭約用展蕪誠恭詣尊舅門下雲龍華緒雪鶴仙標以斗量才獨占陳思之八用車載攢實逾方朔之千養羽翮於山林心膽已懸天上澤班文於霧雨聲光蚤落人間細數前庭玉樹從頭

一幹昂霄更聯後瓊花並蒂三珠沁雪如聞金妹第幾小娘子襟纓詩禮環佩官商粉痕欲漬細囊脂暈半侵墨顆耽斯握繫思續阿父之業陋彼捉刀徒雄諸兄之風委禽既及此麥秋引鳳卽堪於桂杪總承慈命爰定佳祥幸分列乘珠光照我雙歸錦翼謹啓

當湖三弟婚啓

啓

卷三十一

五

伏以五茸春暖霞鋪錦繡之峰三泖秋清月映玻璃之水簇花舟而迎仙媛施珠襪以會星郎期屆登輿禮先陳篚恭維親家大人風標雪鶴胷緒雲龍匣藏劍氣浮紫霄於斗邊筆嬾蒸烟濕翠嵐於紙上巉巖盤老桂根株風動時飄金粉馥鬱吐芳蘭氣味露滋遍浥瓊漿礪花琢月瑤階前羅列南國機雲品絮吟風綺疏內儼坐謝家道韞幸先君之夙講爲弱弟作良緣種來白王妙環宛覩玲瓏盟重黃金大冶更煩陶鑄慙非坦腹佳兒敢曰掃

眉快婿不佞忝稱家督寄重宗祧謹誦五緯之良
用締百年之好高排鴈字欲廣比翼之聯笑拂鳳
箋且疊同心之綺仰祈汪度俯鑒微忱

當湖三任聘陸氏啓

伏以綺閣春濃風引巢花翡翠寶匣朝啓雲來繞
棟虹霓幸灌王之已成謹鏤金而上奏恭維太翁
陸老先生巖廊鰲礎海宇龍標篠舍文情光氣挂
南天之斗梳山理脉靈源溯西渚之波擁百城而

情義金

卷三十一

七

神用閒閒爲屏爲翰歷四朝而謀猷赫赫可石可
金卷懷暫息於丘樊物望時須其霖雨親家仲君
醇資數馬重器函牛趨庭雅得於家詮戰藝咸推
乎國手影纓曳組共欽名士瑤林曼佩鳴璫兼是
仙真洞府塵蹤易隔清攬何由所幸先昆素爲壻
字之依遂令弱侄得附門楣之託百年蘋藻煩玉
媛之攸司兩姓松蘿踐永翁之夙約敢訊良日玄
纁與鳴鴈俱陳行及茂齡錦幃隨彩鸞齊駕某偶

班宗牒偕肅姻盟百倍屏營萬祈涵茹

仲氏聘啓

伏以蟾暉澄湛鏡臺啓吐月之奩鴈影聯翩錦字
綴箋霞之牘誠先束帛慶溢高楣恭維親翁大人
標映文昌學淹武庫穿楊決策聲蜚驟駿之場秀
麥典謠化洽瞻鳧之署最書連奏峻擢俄登偶緣
讀禮而棲遲行見歌祥而騰躍漸躋槐棘之班仰
切兼葭之倚竊念某教未敦乎洛誦愛徒眷夫舍

情義金

卷三十一

八

飴更深似續之謀用寄宗禋之託通言灼氏奉金
諾以有年涓吉星流展采儀於此日千雙百鑑懸
非懸橐可修尺莠尋松知有喬陰可附重重萬香
霧將邀鸞駕於女床疊疊溯銀潮薄効龍綃於海
室統祈涵鑒佩荷鴻休

譚氏聘啓

不佞某髮甫燥卽得偕尊太翁中憲公稱里社兄
第居恒以學問氣誼相砥飭中憲公有鴻樹於朝

家爲世顯人奉太常之議而某侍家山人七箸三十有四年僅修徒步尋常之行所不見棄於士大夫者凜凜中憲公所砥飭者在耳兒子亨又執義從中憲公遊偕諸昆諸親翁修世兄弟好於是諸親翁居恒曰我輩交誼世好古荀陳不啻然既以道義爲楨幹以文行爲緘滕又安可不以婚姻爲漆液以爲百世之固也某感其意因密圖相當者次孫琪枝與元孩親翁室媛年齡相若亟求懿親爲通詞伏蒙慨許已於辛未歲得金諾敬積藏矣今以歲之良時日之吉薄修聘篚夫導篚者必以辭辭必以積某髦矣不能積又積必有艷藻或溢於情或不及於情夫不誠不慤烏可薦我中憲公則悉娓娓爲惇語以布之衆而錄其副藏宗室爲世守焉某謹拜手以進

代張倩襟仲回顧氏婚啓

伏以春雲圓翠嶺松垂連理之陰曉露凝珠谷

含睇榮之色緣誠世卜慶洽宗盟恭維尊太翁臺下學貫天人望隆朝野巍科手掇綺歲振苞采於彤庭騰仕躬躋晚節高羽儀於綠野通翁風操仙翰留蹟於巔涯凱老靈奇妙繪通神於造化晉梁之世累葉曳組珥貂宋元之季舉族鏗金振玉暨乎昭代遂啓元臣聯翩繼起皆扶搖擘海之鷁振迅首騰正昂步追風之驥因圖蘋藻之攸司采及薜蘿之微徧某學勤咕嗶徒望國懸業局苗裔未恢家殖瞻山仰斗方圖宗匠之是師援葛緱松喜遂姻連之有托謹告虔於祧室才展采於賓筵仍附菲儀薄修挑報

留楞嚴寺住持白法禪師啓

伏維傳持有屬夙仰提綱補處未逢遽難弛擔匪塵緣之相縻冀慈念之應周恭請白法大師六度久圓一絲不挂靈山記荊當象季而出興少室宜揚迤此方而機熟緬茲究竟堅固之利實乃烹鍊

淨覺之場睿師花雨繽紛猶飄衣袂紫栢真風馥
郁尚滿階除既爲八部推擁而來應作十方標式
而住鶴巢栖穩豈容捨數抱而督颺青霄龍鉢施
寧忍違蟻旋而迅歸蒼海某等向沾法味契切
心近燭羣情戀同索乳是用聯茲緇白懇布衷
丹再挑續焰之燈永卓不傾之柱草鞋掛壁堂頭
不改家風松塵麾空座下肅遵舊令諸天勸請我
佛證盟謹啓

書

上座師郝楚望

某小儒耳生東吳菰蒲中蠅蠅與曹魚鰕爲侶志
意無所開發徒取紙上語諷之遇洋洋纚纚輒亦
神往然意每崇古而薄今遐涉而鮮要以故其爲
帖括也跼蹐歷落不諳矩矱大匠矜憐流俗嗤誚
未有定目也去歲郡錄科舉不爲司衡所收奔走
場殿迫得入圍精銳已敝踉蹌疾趨安有善述二

場始少舒三場益舒得少展疇素要皆束枵腹而
戰耳不意老師抱蕙蘭于心有昌歆之嗜畧其毛
色獨觀天機覆護獎拔不遺餘力使得附解額之
末夫得附解額不足快矜賞既加品流遂定使都
人士指目稱爲郝先生弟子斯不足快乎某誦老
師文久矣大包兩儀細入無間漱蝕古人之精極
而爐錘獨妙惟恐此生不得一當唾霧而親受
拂拭於同儕中蒙恩最厚鏤心鐫骨何容言喻也
蟾帷遙邁瞻戀無從又迫老師嚴命未遑修咫尺
之禮翹望赤城天姥層層如在霄漢感悵俱極惟
有夢思翔便敢貢鄙忱不覺縷縷諸惟原宥

上座師蕭玄圖

伏念某東吳豎儒也少鮮鄉曲之望壯乏湖海之
游嗃呬塵編分與蠹魚同老誤蒙甄錄得奏公車
然其領鄉書而來也名欠鱗末又無駿譽遜聽之
士孰不目爲附翼輕飛脚尾下駟碌碌落落而已

哉維吾師臺秉衡世之權具空世之眼得其燕篇
輒爲賞援卷端詳騰之語金玉編貫葩蒨紛敷如
村女沐粧蟬珠華積不惟增價兼足掩真迨乎登
龍捧袂之日曲加獎借適致吹噓顧至愚極陋亦
思厚自振刷益毗所學庶幾刮膏刮髓爲師門游
夏以不負知遇而一爲外吏逃然澗疏簿書煎其
肺腸敲朴亂其視聽平生所讀之書塵埃厚寸間
一思之恐遂淪鄙野漫無表樹以辱師臺獎鑑所
爲標心擢肝不能自己者此也卽吏事一途非不
可隨事自見而年穉識蒙煉世未熟風波險阻動
有戒心胸之所懷目之所明力之所到了不能展
一二也而况非素所挾持者乎側聞師臺鳳池染
翰鶴禁陪遊福履康休台光赫賁虛明之中百嘉
咸萃門下賤士不勝忭躍吏於潯者已三年矣課
功程能實無片善而兢兢不敢上負知遇之心則
終始不替也今得書常考奏記銓曹分毫皆師臺

噓植之惠而鈍滯無所底止則師臺矜賞之素與
振奮之念不知何日稍遂一二耳敬附典居統祈
懸鑑

與夏璞齋同年

昨飲蕙酒兼聆玄論不覺形神俱醉但足下搖舌
便壁立可畏模糊中止憶一二語如所云堂前王
蘭盛開憾不痛飲其下乃大有雅致宋謝景山詩
云秋雲寧似宦情薄春色不如歸興濃足下頗念
之否弟亦非流連光景者當是天地間一有情漢
子耳足下何以教我

答黃州太守瞿太虛

以地方公事得一捧長者衣袂良快夙願所憾倉
猝別去不得盡領教益耳開壩事多煩清慮謹已
呼洲民諭之而民稱築堤之說路遠費多萬無成
理奈何奈何容與敝堂翁再一酌議以復寓黃集
已置案頭然門下才情固是眉山對壘復領是郡

將必有追和於江風山月之間者鄙意更欲得之以盡黃州之奇不令于來而鎮留也門下其許我乎敬謝來使

與黃州瞿太守

貴治黃梅縣濱江之地與敝治德化封郭等洲相錯其田萬畝一切水利節宣實共爲命脉不止唇齒之比而已先年德化堤成江濤不及貴治之田亦賴以保但堤障屹然內水不泄田之稍低者悉化爲汙萊洲民迭移逋負十年所矣間嘗講求拯救之術急在開溝達江而先後當事者旋舉旋罷迄無成功緣彼此成心未化自分爾我貴治之民其田去江遠者以開溝爲獨利於德化而不知命脉相倚之勢梅民占業於濱江者不啻千家其可憫一也夫委水以壑鄰國仁人猶竊隱之以濱江之民自泄濱江之水而使邑中豪強痛癢不開者百端阻撓此何說哉良由兩地臨民者原無真實

憂民之心而以文移虛套互相塗塞故令不費之惠自然之利不晉於下而浮游之說得焉梗耳今敝地民自願老幼荷鍤不敢分勞於貴屬而貴治庠生邢懋賞者自願獻地實和同共濟之一時而敝堂翁曾杜西先生暨吾臺下均以碩德厚望悉心殫力以撫兩地之民凡利害關涉者不難剖去崖岸務期停妥非向者文移虛套相蒙而已則千載一時也不肖辱愛於長者有年今又竊宦鄰土聲教相及卽纖毫利弊所在猶當貢其欵誠而究十年未祛之害兩邑千家之命所懸乎貴屬之權邑者業已察知其便行且協心舉事但未奉有臺下明文嚴示則阻撓之間容有竊發而不可知而不敢前啓未暢其說猶恐有飾詞以欺臺下者故敢遣役資書具陳本末萬惟亟賜覽裁

東劉行素

前者遣一人運惠山水一壘蘇茶一器候足下於

會城行且二十里矣而得郵中寄札知足下已旋
府亟追而返之意欲圖後舉耳無奈饒口不禁旋
煑旋喫幾去其半恐不能復了前念矣奈何一笑
久候足下舉子消息便當耐地遙賀兼製爲錦棚
歌以助歡狎忽得沈吉水見報乃知明珠與老蚌
俱沉鰓鳳逐彩雲並散天乎痛哉何能爲懷也然
以天道度之足下洞朗慈和百福攸萃豈獨艱於
嗣哉所謂真子者行且煩天神抱送而彼朝露奄
將至堂集 卷三十一 三

與蘇弘嘉

弟手腕極拙兼是摹古無功真堪爲酒家會計以
佳筵索書亦類歇後作相也殊愧殊愧聖母屏二
帖頗有蒼然之韻幸熟觀之弟亦有粗筵二握將
以貽所親者敢假筆以爲重惟卽揮之孫徵君集

又

謹入架容洗眼讀之以當師丈人也未間幸善飯
自與君侯揮手日月不居江柳兩黃溪冰再白矣
每有文字之會壺觴爲樂未嘗不中坐咄嗟歡悰
忽減蓋猶竹林缺中散則清麈未暢蘭亭無逸少
則山水寡奇不惟鄙人悵闕典孰和之嘆而一二
接塵之交將無同之矣外吏奔走爲職邈無好懷
安得黃金寫蘇弘嘉而日置函丈耶朝家舉動中
外莫測君侯醉燕市酒亦頗慷慨澤劍首自愉快
乎相見之期未知何日賢嫂郎君幸各善飯君侯
前錫我參令作餌知我體也僊僕之僊不寧在體
則古人藥籠之語幸時附至感可知矣

又

潯水之合未敢輒附延津然而赤花青縷旁溢射
人卽以鉛刀當之亦將躍然奮擲作匣中鳴也小
池渡頭落日曛黃離罇慘澹過此以往便隔若雲

漢矣然弟所沐教愛貫入心膂寧以離合間哉丈
還朝從此可平步以躋槐棘弟匏滯江州何日得
奉笑言宴宴乎外吏短長京貴聞之極詳有可爲
弟發藥者千萬不吝一指偶解役之便敬附興居
不盡綿邈

上沈侍郎繼山先生

某之吏於潯也嘗一再奏記門牆而自台臺榮赴
瑤京游膺樞陟則闕焉未有片牘之將蓋茫然外

惜致堂集

卷三十一

五

吏既無能端遣一介而衡陽之雁江微甚稀所以
遲遲奉候若綰結之衷則夢寐以之矣恭維台臺
古道網維清時冠冕耿言確論無非爲國扶植正
流發舒浩氣以盪羣陰之蝕卽心力甚艱口語橫
集而九重有特達之知四海有垣平之議則隆隆
碩望尊於泰山而朝家倚毗益切矣從此遂秉國
鈞以翊休明之運可計日待也遠方小吏故里親
生但有拭目以觀太平耳江右素稱貧瘠蠻朴以

寒生處此殊不覺知而九江益以八路之衝日僕
僕送迎則所良苦也自揣平生毫無片長獨碌塊
之胸偏強之項差不隨人南北而世路多岐坑塹
不少伏祈台慈明賜趨向之方庶不迷於所往耳
郡佐之職似無難舉而理官則處上下媒忌之閒
搖足瞬目輒有開揆奉台臺之教席台臺之芘蔭
苒三年得書一考令垂白老親得蒙章甫聲翟之
榮人子之念於斯足矣嗣後利鈍非所宜知而台
臺人倫標表噓呵之氣可變日霜惟不惜爲梓里
賤士稍爲獎借是禱是幸茲因賞冊之役附候興
居統祈台鑒

上鄭太僕

恭譖騎寺榮躋卿垣著望新承綸寵日近禁林以
台臺無邪之思塞淵之德布之網維敷於政理奚
止割禾玉山飽六飛之龍馭將必樹棘棠禁作儀
廷之鳳毛眷賴攸崇大昌吾道舊屬小吏漱濯感

惜致堂集

卷三十一

三

恩之勝技拭睇榮之目但有忤躍而已饒南一路
荒瘠異常久濡台臺雨露近則濯濯殊有生色矣
諸屬吏中惟某最爲蒙鈍而台臺訓諭噓獎最爲
篤至卽今以三載庠祿得書平考幸免黜幽敢忘
手植大惠乎伏祈明施兼照仁不遐遺終始履露
以厚生成之德更冀以道怡躬爲國加攝用迂無
疆之休不勝注戀之至

東耿藍陽論易

唐東堂集

卷三十一

五

讀足下所治易精簡超妙從前支離漫漶之失一
洗其舊而古聖微意從此似亦可窺足下可謂苦
心矣弟於庚寅歲曾絕跡杜關者一年案頭止置
道釋書數卷周易一部每日趺坐養心孤悶之極
則試開卷盡一二段輒覆而默思之頗有得處不
能舉而告人而嗣是所遇人亦無足與語者然而
胸中一片虛明境界雖至今處簿書塵俗擾擾地
而亦差覺不遂汨沒良不可謂非向時得少力也

大都一念不起則不落象不落象則無數可局無
數可局則自粘呈不牢凡物爲境所粘呈者有象
有數故也故卦者呈也從奇偶二畫以致三百八
十四悉如編綴水珠以爲羅網玩者玲瓏透徹具
有意態若令太陽一臨水滴消盡向之可玩可悅
又入無何有矣故曰聖人立象以盡意夫曰立者
乃聖人特特於本無一象中及既有萬象後設立
奇偶二象以爲萬象之總統而錯綜交羅之以盡
變猶之有國者之立君有族者之立宗君宗立而
後政治家法行焉故曰乾坤毀則無以見易毀乾
坤者毀奇偶二畫也夫舉世論易者方指奇偶二
畫卽名爲易而聖人乃曰無以見易則是奇偶二
畫特藉以見易耳非真易也譬之鏡能顯形而鏡
非形也表能測景而表非景也然而埋鏡什表則
亦終無形景可觀故夫象數一門乃易之喫緊處
以後經儒畧去象數而純譚理者實始於王輔嗣

唐東堂集

卷三十一

五

而輔嗣實晉時玄言之宗非易專家也吾輩生絕
學之後未遇異人口授安能強測然本經文義自
足能於虛默中三復紬繹亦自有端倪呈露而又
擴之以聞見不厭旁摭博採以求會通之地第嘗
謂古今治易家其書不下百餘種道藏載之最詳
至於兵家之虎鈴握奇醫家之素難靈樞養生家
之參同悟真鑑火家之金碧龍虎堊家之堊經籙
占家之風角鳥占六壬禽遁星家之紫微祿命皆

易學集

卷三十一

重

易之支流餘裔也夫禮失則求之野誠能汰滌糠
粃蘊釀精粹必於造化源頭漸有理會語曰思之
思之思之不得鬼神將助之古人豈欺我哉弟泣
南人也每欲於句曲陽羨間求巖洞佳處剪茅一
園種藥數畝以十年閒健之身痛究未盡之旨而
今爲親命故絆縛吏轡不知何時是息肩之日足
下天資剛毅既與道合而其所治學又已得其把
柄誠弟所當百拜請益者也尊集謹已抄錄副本

十襲藏之矣漫吐胸臆冀求印證不覺縷縷惟恐
其狂率幸甚

東楊樵部

與門下周旋不覺達心微化自謂不世之遭或可
終事君子奈何單棲弱羽竟爲驚颺所衝遂翔雲
路者視我泥沙中能遽脫獲我耶惺惺別時慰唁
資有加無已不佞腸非木石飲此能不心醉邀門
下之靈以浴佛日渡潮水過嚴先生釣臺先生繪
竿無恙抵錢塘六橋三竺則芳菲盡矣望日還寓
舍家慶之餘一開塵篋見諸生時所業牘欣然如
千秋故人今且自分作蠹魚老其中不願化爲蜉
蝣飛去也爲門下作浮橋記文拙意枯不能鋪張
盛美可存存之否則無爲石災海物以久雨蒸潤
皆不堪咀嚼須後附致吳十九燒流霞杯諸色宜
密器曾持至平若能分寄一二尤感相念

與董獻可茂才

僕以撫臺委修條例備考一書蓋取近年奏准事例可援引處斷者累成之以便閱耳目下已有八分之功寒食前定擬歸郡也任貢院中空濶幽寂頗協素心刪削吏牘之餘時或篝燈偷讀古人之書意味淡心有欲起舞者大都古人不可及處全在靈明灑脫不掛一絲而義理融通備有萬妙斷斷非塵襟俗韻所能摹肖而得者以此知吾輩學問當一意以克拓心胸爲主門下賦才極高鍊學

恪致堂集

卷三十一

三

已苦到古人地步實是不難不知平日頗亦於性靈上檢點一番否僕昔曾習靜於村庄水竹岑蔚人跡罕到之中兀兀騰騰初如嚼木而後漸輕灑自得一日恍有見處但不能舉以似人耳從此讀書作文頗覺省力此僕以親試而親驗者也敝衙中供具極薄二孺子但欲羈束其心殊無計功之念門下藉此斷絕往來試於一物不容之地時時勘驗作何境界是何滋味瞥起瞥倒是誰轉換沒

巴沒鼻作何料量不妨如是勘較晨昏以之勢力極必有爆然迸出一段光景爲君受用視之飽食而鑽牛皮者千萬不同此非誑語幸門下聽之信之所看大學一書想已透徹矣回時儻有可質問者不妨時一見示吾輩相值甚難相知相契而有可相益則又難之難者儻九江之緣已熟僕將轉而他之則又雲海茫茫矣能無念之哉

覆彭澤董茂才

恪致堂集

卷三十一

三

風雪彌旬歲事轉促兔直署根之惠來自東荆煮石之時便同西山貽我寸薇於陵讓其餘李情過繫馬味溢魚熊俛爾登嘉不勝咀嚼輒有溪毛奉旋聊助椒觴一醉耳短聯長句漫寫相憶之懷兼標雅致不足珍也擲之而已

與江州董萬吳曹四茂才

諸君難別僕僕亦難別諸君然能索相與於無相與則入懷之月掛簷之雲皆如對清輝也過富春